



UNIVERSITÄTS-
BIBLIOTHEK
PADERBORN

Constitvtiones Societatis Iesv

Ignacio <de Loyola>

Romae, 1570

Prooemivm Constitvtionvm.

[urn:nbn:de:hbz:466:1-68489](https://nbn-resolving.org/urn:nbn:de:hbz:466:1-68489)

PROOEMIUM
CONSTITUTIONVM.



QVAMVIS summa Sapientia & bonitas Dei Creatoris nostri ac Domini sit, quæ conseruatura est, gubernatura, atque promotura in suo sancto seruitio hanc minimam Societatem IESV, vt eam dignata est inchoare; ex parte vero nostra, interna Charitatis & amoris illius lex, quam sanctus Spiritus scribere, & in cordibus imprimere solet, potius, quàm vllæ externæ Constitutiones, ad id adiutura sit: Quia tamen suavis dispositio diuinæ prouidentiae suarum creaturarû cooperationem exigit; & quia Christi Domini Nostri Vicarius ita statuit; & Sanctorum exempla, & ratio ipsa nos ita docet in Domino: necessariû esse arbitramur, Constitutiones conscribi; quæ inuent ad melius in via incepta diuini obsequij procedendum iuxta Institutui nostri rationem.

2 Quamuis

PROOEMIUM IN
Declarationes & An-
notationes Constitu-
tionum.

CVM Constitutionum hic finis sit, vt vniuersum corpus Societatis et particularia eius membra ad sui conseruationem & incrementum, ad gloriam Dei, & vniuersalis Ecclesie bonum inuentur; præter quàm quòd omnes & singulæ earum per se
A ij ipsas

ipsas ad finem dictum accommodatae sunt, tria alia in eis expeti possunt;

Primum, ut plene sint; quò omnibus, quae incidere possint, quantum fieri potest, prouideatur.

Alterum, ut perspicuae sint; quò minor scrupulis de-
tur occasio.

Tertium, ut breues sint, quantũ plenitudinis ac perspicuitatis ratio patitur; ut memoria retineri possint.

Quò tria hæc melius obseruentur; præter Constitutiones vniuersaliores & breuiores, quæ, ut obseruentur à nostris, & ostendantur, cum oportebit, externis, erunt magis ad usum accommodata: visum nobis est in Domino has Declarationes & Annotationes esse adiiciendas: Quæ, cum non minoris sint authoritatis, quàm reliquæ Constitutiones; magis descendendo ad particularia, eos, qui reliquis præsent, de rebus quibusdam possint edocere, quas breuitas & vniuersalitas aliarum minus diluciditas reddebat. Sed præter vtrasque, quæ ad res immutabiles pertinent, & vniuersaliter obseruari debent, aliæ quaedam ordinationes erunt necessariae, quæ diuersis temporibus, locis, & personis in diuersis Domibus, Collegijs, & officiis Societatis (vniiformitate tamen, quoad eius fieri poterit, in omnibus retenta) possint accommodari. De huiusmodi ordinationibus, vel regulis hîc nō agetur; sed id solùm admonebimus, quòd ab vnoquoque, qui ibi fuerit, vbi hæc obseruentur, iuxta voluntatem Superioris, qui ei præfuerit, sunt obseruanda.

Vt redeamus ergo ad id, quod agitur hoc loco; harum Declarationum ordo hîc erit, ut Constitutionibus respondeant;

CVM DECLARA.

deant; itaque Pars parti, Caput capiti, cum declarandum aliquid fuerit, reddetur; quod in margine Constitutionum littera quædam indicabit, cui alia similis in Declarationibus respondebit. Et sic ordinate procedetur,

2 Quamuis primum illud sit, & maximi momenti in nostra intentione, quod ad corpus vniuersæ Societatis spectat; cuius vnio, & bonum regimen, & conseruatio in suo bono statu ad maiorem Dei gloriam in primis quæritur: quia tamē corpus hoc ex suis membris constat, & in ipsa executione primo loco occurrit, quod ad singulos spectat; tam in ipsis admittendis, quam in promouendis, ac deinde per vineam Christi Domini nostri diuidendis; * hinc exordium sumetur' eo fauore, quem lux æterna nobis ad honorem & laudem suam conferre dignabitur.

PRIMA

eius fauore aspirante, quæ ordinis totius principium est, utpote perfectissima & infinita Sapientia.

DECLARATIO
in Prooemium.

A ¶ CONGRVVS esse solet procedendi modus ab imperfectioribus ad perfectiora, præcipuè in ijs, quæ pertinent ad praxim; cum id primum in executione occurrat, quod est in consideratione postremum, nam hæc à fine ad media descendit; & sic in decem præcipuis partibus, ad quas reducuntur omnes Constitutiones, procedetur.

Prima de ijs admittendis ad probationem agit, quæ nostrum sequi Institutum

A iij expetunt,

expetunt .

Secunda de ijs dimittendis , qui ad illud non esse idonei videbuntur .

Tertia de ijs , qui retinebuntur , conseruandis , & in spiritu ac virtute promouendis .

Quarta de ijs instituendis in litteris & alijs medijs proximos iuuandi , qui in spiritu et virtute in seipsis profecerint .

Quinta de cooptandis in corpus Societatis ijs , qui sic fuerint instituti .

Sexta de ijs , quæ in seipsis obseruare debent qui in hoc corpus iam cooptati sunt .

Septima de ijs , quæ obseruanda sunt erga proximos , distribuendo scilicet operarios , & eos in Christi Domini nostri vinea occupando .

Octaua de ijs , quæ faciunt ad mutuam & cum suo capite vnionem eorum , qui distributi sunt .

Nona de ijs , quæ ad caput pertinent , & ad gubernationem , quæ ab eo ad corpus descendit .

Decima de ijs , quæ vniuersaliter ad conseruationem & augmentum totius corporis huius Societatis in bono suo statu pertinent .

Hic est ordo in Constitutionibus , & Declarationibus tenendus , finem illum intuendo gloriæ & laudis Dei Creatoris ac Domini nostri ; quem nobis præfiximus .

P R I M A P A R S